

ՀԱՇՎԵՏՎՈՒԹՅՈՒՆ

Ֆրանսիայի Հանրապետություն (Փարիզ) գործուղման արդյունքների մասին

1. Անունը, ազգանունը.

Տաթևիկ Ստեփանյան

2. Զբաղեցրած պաշտոնը.

ՀՀ աշխատանքի և սոցիալական հարցերի նախարարի տեղակալ

3. Գործուղման վայրը և ժամկետները.

Ֆրանսիայի Հանրապետություն, Փարիզ 2024 թվականի մարտի 8-9-ը

4. Հրավիրող կողմը.

«Միասնականության ուժը» ասոցիացիա

5. Գործուղման նպատակը.

Մասնակցություն Կանանց իրավունքների պաշտպանության միջազգային օրվա կապակցությամբ կազմակերպվող «Միասնականության ուժը» խորագրով միջոցառմանը:

6. Քննարկված թեմաները.

- Միասնականության ուժը;
- Կանանց առաջադիմական զարգացում և հզորացում;
- Կանանց իրավունքների պաշտպանություն և խթանում;
- Պայքար գենդերային խտրականության, անհավասարություն դեմ
- Կանանց նկատմամբ բռնություն;
- Կանանց համար անբավարար տնտեսական հեռանկարներ;
- Կանանց աահմանափակ հասանելիություն տնտեսական հնարավորություններին:

7. Հանդիպումները, ելույթները, բարձրացված կամ քննարկված հարցերը.

Միջոցառմանը մասնակցում էին Ֆրանսիայի մշակույթի նախարար Ռիմա Աբդու Մալաքը, «Միասնականության ուժը» ասոցիացիայի նախագահ Էլիզաբեթ Մորենոն, ինչպես նաև ներկայացուցիչներ Աֆրիկայից, Յունեսկոյից և այլ հասարակական կազմակերպություններից:

Միջոցառման ընթացքում հանդես եմ եկել ելույթով, որում, մասնավորապես, ներկայացրել եմ Հայաստանի Հանրապետության տեսլականը՝ կանանց առաջադիմական զարգացման և տնտեսական հզորացման համար կենսակայուն համակարգերի, նորմերի և ճկուն քաղաքականության կառուցման վերաբերյալ: Ընդգծել եմ Հայաստանի Հանրապետության մարդու հիմնարար իրավունքների վրա հիմնված մոտեցումը՝ ուղղված կանանց հզորացմանը, որը ՀՀ կառավարության բարեփոխումների օրակարգի համար կարևոր միջճյուղային առաջնահերթություն է, և շարունակական աշխատանքներ են տարվում, որ այն իր արտացոլումը գտնի իրավական և նորմատիվ դաշտում:

Հայաստանի Հանրապետությունը մարդու իրավունքներին վերաբերող բոլոր հիմնական փաստաթղթերի մասնակից է և նշել եմ, որ կանանց իրավունքների պաշտպանության և խթանման, գենդերային խտրականության դեմ պայքարի և գենդերային հավասարության ապահովմանն ուղղված քայլերը, ինչպես նաև կանանց նկատմամբ բռնության համար պատասխանատվությունը մարդու իրավունքների համատեքստում կարևոր առաջնահերթություններ են մեր միջազգային բազմակողմ հարաբերություններում:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Միջոցառման ընթացքում փաստաթղթեր չեն ստորագրվել:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

- Համագործակցություն զարգացնել «Միասնականության ուժը» ասոցիացիայի հետ, ներգրավելով վերջինիս ՀՀ կառավարության կողմից կանանց հզորացման ուղղությամբ իրականացվող բարեփոխումների գործընթացում:
- Նպաստել «Միասնականության ուժը» ասոցիացիայի և ՀՀ-ում գործող համապատասխան հասարակական կազմակերպությունների միջև

համագործակցության զարգացմանը՝ նպատակ ունենալով իրականացնել
փորձի փոխանակում և ինստիտուցիոնալ զարգացում:

10. Ստորագրությունը, ամսաթիվը:

X

13/03/2024